

(钦定)平定七省方略

北京中国书店印行



欽定平定陝甘新疆回匪方略卷二百十九 庚午年

四月十一日 丁未 金順奏言據留防中衛總兵黃

金山稟稱二月二十七日探悉賊在歲山根老
祖廟等處滋擾當卽揀派步隊由山後小道抄
擊該總兵親督馬隊向山前進發行抵該處逆
匪率黨迎拒官軍奮勇衝擊逆勢不支向山後
逃遁適與步隊相遇賊又大敗墜崖落澗及斃

於槍礮者不計其數餘逆向南奔竄官軍追至
老君台古水營地方該逆正欲偷渡過河適官
兵馳至擒殺過半餘逆潰散三月初十日又有
河州回逆數千竄踞北沙窩一帶十一日挑帶
馬步各隊前往攻勦並派副將王連陞等伏兵
民寨派遊擊楊子英督帶親兵繞出賊後該總
兵自帶馬隊前往誘戰逆衆見官軍無多傾巢

而出馬隊佯敗逆衆追躡伏兵齊出該總兵亦
回馬衝殺沿途斬殺無算餘匪由沙坡根渡河
奔逃查中衛爲甯夏南路屏蔽水陸交衝最關
緊要當經飛飭中衛地方文武實力防守並飭
該總兵確探賊蹤相機進剿至王家疃回匪乞
撫後繳出馬械甚屬寥寥察其情形尙懷疑懼
臣當與張曜隨時酌奪辦理不敢稍涉大意致

墮奸謀奏入

上命軍機大臣傳諭金順曰炭山等處竄匪經黃金山
擊退後復有河州逆回竄至北沙窩一帶又經該總
兵沿途追殺餘逆由沙坡根渡河逃竄卽著金順飭
令中衛地方文武實力防守不可再令賊蹤竄入並
飭黃金山隨時偵探如有股匪滋擾卽行帶隊擊剿
盡殄逆氛王家疿回匪乞撫後繳出馬匹器械甚少

該匪心懷疑懼亟應加意防維並著金順與張曜隨時酌商相機辦理如該匪真心投誠不妨予以自新儻因官軍圍剿甚急故作緩兵之計卽當乘機進剿不可墮其奸謀甯夏至磴口石嘴一帶近日有無賊蹤竄及糧運是否疏通並著隨時具奏

十四日
庚戌文盛奏言欽奉

諭旨軍臺被賊竄擾飭總管達爾濟恩帶馬隊相機進

臣當卽飛咨經遠城將軍轉飭該總管遵照
惟此股賊匪雖爲數無多而行蹤飄忽達爾濟
所部馬隊到臺需時臣先派總管達米林札普
等二員帶領官兵馳赴各臺周歷梭巡如有賊
蹤南竄卽迎頭截剿俟達爾濟到日再回本任
至副都統杜嘎爾臣已欽遵

諭旨傳知該副都統揀派將弁迅往督剿肅清臺站奏

入得

旨卽著會同杜嘎爾嚴飭派出兵弁加意巡防毋令匪蹤竄突一俟達爾濟到日卽飭令勤加偵探相機防剿現在賊情若何並著隨時具奏

十七日 癸丑 左宗棠穆圖善奏言鞏秦階轄境自

安定迤南以達洮岷袤延數百里山徑紛歧皆狄河逆回出沒之地防不勝防據總統南路諸

軍周開錫稟稱上年十二月二十八日逆回白
狄道渭源竄至野狐橋道員湯聘珍於正月初
一日督同提督梅開泰整隊進剿賊奔黃香溝
初四初五十一等日又擊賊於晉家堡石灰溝
口王家河等處疊有擒斬賊匪復竄入渭源熟
羊城俯瞰鞏郡河州鎮總兵王得勝及提督彭
忠國擊敗之二十五日有馬步逆匪三千餘人

劫總兵周文翔營壘湯聘珍督同總兵王光富等馳往援剿擒斬尤多據獲賊供稱此股逆目係劉四花馬元張二四皆西和禮縣種類叛附狄河上年九十月閒疊經官軍剿敗現因狄河乏食出巢搶掠由鞏昌岷州趨甘南腹地希圖牽掣官軍等語賊自湯聘珍擊敗後由王家河趨甯遠縣屬之權墩禮縣屬之馬臨疾奔而南

又越鹽關竄西和薐及成徽兩當各縣周開錫
派總兵田連考等督帶各營分投截擊殲斃多
名餘匪由康家岩竄至永平鎮三月初三日丁
桂智王銘忠各帶馬隊分途抄殺斃賊無算餘
逆奔回狄河先是陝回崔三等糾合河州回匪
米阿渾等同出狄道越安定西南七十里之馬
家河二月二十一日提督楊世俊率馬隊截之

斬馘多名總兵敖天印提督張仲春等復敗賊
於謝家河翦子盆等處逆蹤東竄連日擾及通
渭之榜羅鎮秦安之龍山鎮清水之張家川臣
左宗棠檄中書吳士邁所部剋日由乾州赴汧
隴而西力遏竄氛三月初三至初六日米阿渾
等圍攻清水縣甚急初七日湯聘珍軍至城圍
始解賊匪退竄張家川脅屯留張家川之陝回

海成等挾之東行分爲兩股一由閩家店入陝
西隴州馬鹿鎮度咸宜關入渡鎮趨汧陽縣頭
鎮一由赤沙入隴邊香泉鎮出賈村趨寶鳳分
股由椒川漫坪擾鳳縣境李輝武親督所部擊
賊於縣頭鎮敗之汧陽之賊悉衆出寶雞賈村
東趨鳳翔之陳村十三日吳士邁會李輝武力
擣陳村賊巢賊大驚潰兩軍乘勝抄擊擒斬以

千數百計敗賊向柳林鋪奔岐山吳士邁等追
蹤而至適總兵殷華廷馬隊亦到十七日會師
擣羅局鎮之賊該逆分途狂奔截殺尤多餘賊
分竄扶風鳳翔等處自此賊燄頓減人數不過
三千有奇已革總兵張福齊又敗禹得彥米阿
渾等於扶風醴泉之間該逆前隊竄擾甯州復
經署平慶經道總兵蕭擊敗殘匪竄至固原州

屬之向家塢陝安道黃鼎自帶馬隊七營截之
並飭提督徐占彪統帶四營橫截洪溝炭山一
帶斃賊千數百名陝回李經舉卽金菊河回米
阿渾卽閉阿渾及由金積堡竄出之單仲明等
均經陣斬惟禹得彥四百餘騎仍由鹽茶廳一
帶竄走其西竄之崔三一股人數尙二千有餘
由隴州竄張家川現復由秦安北竄至莊浪隆

德之閒臣左宗棠已調總兵徐文秀等各率所

部勦辦

左宗棠又奏言固原鹽茶廳土回種落蕃衍良莠錯雜上年官軍北進勦撫兼施而東西兩山土著回匪仍糾黨劫掠糧運多梗其金積堡藏匿各回因飢四出掠食二月初閒西山回逆五六百人竄至馬羸掌等處初七日提督周紹濂